

瑜伽師地論

科
目
披
尋
記

彙
編



本書為韓清淨老居士之遺作。韓老後半生中，朝斯夕斯，凡數十寒暑，始告完成。記中將《瑜論》奧義，以獨具之灼見，闡發無遺。尤為難得者，論中前後相關之處一一指出。使讀者瞻此顧彼，披尋有方。范古農老居士生前讀其部份初稿，贊嘆備至。譽為本世紀來，漢文內典中之驚人作品。其價值可想見矣。原稿在十年浩劫中已蕩然無剩。鄭頌英居士在滬發現打字油印本，大喜過望，倡議印刷出版。海內外緇素大德紛紛表示贊助。要非佛力加被慈氏垂愍，蘊積潛珍，寧得人間重見。流通有日，謹綴數言，聊表慶幸云爾。

顧興根誌於滬上

瑜伽師地論

科句
披尋記
彙編

精裝本三冊全

佛曆二五三三

年敬印壹千部

公元一九八九

半價流通每部五十元

北京三時學會韓清淨居士著

印行者 上海市佛教協會

流通處 上海市佛教協會出版流通組

地址 常德路四一八號

郵政編碼 二〇〇四〇

印刷者 上海出版印刷公司

上海市出版局內部資料準印證(89)第三二七號

佛教內部流通

本書由新加坡唯堅法師施資四萬五千元，減低成本，作半價流通。特此誌謝！

瑜伽師地論科 披尋記 句 彙編卷第六十一

彌勒菩薩說

唐三藏沙門玄奘奉詔譯

韓清淨科記

三時學會彙編

攝決擇分中有尋有何等三地之四

戊二引經說三己一決擇諸王
德失差別二庚一出愛王白
佛二辛一迷因緣三壬一由
觀察二癸一於過失癸二於
功德
壬二由尋伺

壬三由作念
辛二請問義

庚二佛告出愛王三辛一略標
辛二別釋六壬一王之過失二
癸一徵癸二釋三子一標成
就子二列種類

復次如佛世尊爲出愛王所說經言彼王一時往詣佛所頂禮佛足白言世尊有一沙門
若婆羅門來至我所以不真實過失現前呵諫於我我於爾時其心不生悔惱憂感何以
故觀此過失於我自身都不見故又有沙門若婆羅門來至我所以不真實功德現前讚
勸於我我於爾時心亦不生歡喜踊躍何以故觀此功德於我自身都不見故彼諸沙門
及婆羅門既退還已我便獨處空閑靜室生如是心籌量尋伺我當云何了知諸王真實
過失真實功德若我知者當捨其失當修其德誰有沙門或婆羅門能了諸王真實過失
真實功德亦能爲我廣開示者既尋伺已便作是念唯我世尊一切知者一切見者定當
了知諸王所有真實過失真實功德我今當往佛世尊所請問斯義故我今者來至佛所
請決是義唯願如來爲我開示世尊云何諸王真實過失云何諸王真實功德作是請已
爾時世尊告出愛王曰大王大王今者應當了知王之過失王之功德王衰損門王方便
門王可愛法及能引發王可愛法云何名爲王之過失大王當知王過失者略有十種王
若成就如是過失雖有大府庫有大輔佐有大軍衆然不可歸仰何等爲十一種姓不高
二不得自在三立性暴惡四猛利憤發五恩惠奢薄六受邪佞言七所作不思不順儀則

子三隨別釋二丑一辨相十寅一種姓不高

寅二不得自在

寅三立性暴惡二卯一微卯二

釋三辰一辨差別三巳一對

面暴惡巳二背面暴惡

巳三懊恚暴惡二午一暫時暴惡

午二長久暴惡

辰二結略義

辰三出大罪寅四猛利憤發

寅五恩惠奢薄

寅六受邪言

人不顧善法，九不知差別，忘所作惡，十一向縱任，專行放逸。云何名王種姓不高，謂有國王，隨一下邇王家而生，非宿尊貴，或雖於此王家而生，賤女之子，不相似子，或是大臣輔相，國師群官等子，如是名王種姓不高。云何名王不得自在，謂有國王，爲諸大臣輔相，國師群官所制，不隨所欲，作所應作，錫資群臣，於妙五欲，亦不如意，歡娛遊戲，如是名王不得自在。云何名王立性暴惡，謂有國王，諸群臣類，或餘人等，隨於一處，現行少小不如意事，即便對面橫暴，發猛惡言，咆勃忿恚，聲震而住，時生憤發，設不對面，背彼向餘而作於前，擅辱等事，設不對面，亦不背彼向餘而作於前，瞞屬等事，然唯內意憤恚鬱快，懷惱害心，懷怨恨心，然不長時持憤恚心相續不捨，復有內意憤恚鬱快，懷惱害心，懷怨恨心，亦於長時持憤恚心相續不捨。由如是相對面暴惡，背面暴惡，懊恚暴惡，暫時暴惡，長久暴惡，如是名王立性暴惡。大王當知長久暴惡，名獲大罪，非是餘者。云何名王猛利憤發，謂有國王，諸群臣等，有小愆過，有少違越，便削封祿，奪去妻妾，或以重罰而刑罰之。如是名王猛利憤發。云何名王恩惠奢薄，謂有國王，諸群臣等，供奉侍衛，雖極清淨善稱其心，而以微劣，懷書慰諭，頒賜爵祿，酬賞勳庸，不能圓滿，不順常式，或損耗已，或稽留已，或推注已，或怨恨已，然後方與，如是名王恩惠奢薄。

或推注已，或怨恨已者，謂或令彼受大勅勞，及或令彼心生怨恨故。

云何名王受邪佞言，謂有國王，諸群臣等，實非聰敏，有聰敏慢，貪濁偏黨，不閑憲式，情懷諂媚，不修善政，聽受信用，如是豎人所進諛譏，由此因緣，王務財寶，名稱善政，並皆衰損。

寅七所作不思不順儀則三卯
一徵卯二釋二辰一所作不
思

辰二不順儀則

卯三結寅八不顧善法

寅九不知差別忘所作恩三卯
一徵卯二釋二辰一不知差
別

辰二忘所作恩

卯三結寅十一向縱任專行放逸

丑二結攝二寅一結前

寅二略攝

王二王之功德二癸一徵癸二

如是名王受邪佞言云何名王所作不思不順儀則謂有國王不能究察不審究察不能
思擇不審思擇諸群臣輩於彼彼務機密事中不堪委任而委任之堪委任者而不委任
堪驅役者而不驅役不堪役者乃驅役之應賞資者而刑罰之應刑罰者而賞資之又於
群臣不善安處先王儀則由此群臣處大朝會餘論未終發言間絕不敬不憚而興諠諍
不如旨教而善奉行不正安住王之教命如是名王所作不思不順儀則云何名王不顧
善法謂有國王不信他世亦不曉悟由於他世不信不悟便於當來善不善業愛非愛果
不能信解不信解故無有羞恥隨情造作身語意業三種惡行不能時時布施修福受齋
學戒如是名王不顧善法云何名王不知差別忘所作恩謂有國王於諸大臣輔相國師
及群官等其心顛倒不善了知忠信技藝智慧差別以不知故非忠信所生忠信想於忠
信所非忠信想無技藝所生技藝想有技藝所無技藝想於惡慧所生善慧想於善慧所
生惡慧想彼由如是心顛倒故於非忠信無有技藝惡慧臣所敬重愛養忠信技藝善慧
臣所反生輕賤又諸臣等年耆衰邁曾於長夜供奉侍衛知其無勢無力無勇遂不敬愛
不賜爵祿不酬其賞設被陵蔑捨而不問如是名王不知差別忘所作恩云何名王一向
縱任專行放逸謂有國王於妙五欲一向沈沒耽著嬉戲愛樂受行不能時時勸勵方便
作所應作勞資群臣如是名王一向縱任專行放逸若有國王成就如是十種過失雖有
大府庫有大輔佐有大軍衆而不可歸仰大王當知此十過失初一是王種姓過失餘九
是王自性過失云何名爲王之功德大王當知王功德者略有十種王若成就如是功德

釋三子一標成就子二列種類

子三隨別釋二丑一辨相十寅一種姓尊高寅二得大自在

寅三性不暴惡二卯一微卯二釋二辰一辨差別

辰二結略義

寅四憤發輕微

寅五恩惠猛利

寅六受正直言

寅七所作諦思善順儀則三卯一微卯二釋二辰一所作諦思

雖無大府庫、無大輔佐、無大軍衆、而可歸仰。何等爲十一、種姓尊高、二、得大自在、三、性不暴惡、四、憤發輕微、五、恩惠猛利、六、受正直言、七、所作諦思善順儀則、八、顧戀善法、九、善知差別、知所作恩、十、不自縱任、不行放逸。云何名王種姓尊高、謂有國王處在相似王家而生、宿世尊貴、是相似子。如是名王種姓尊高。云何名王得大自在、謂有國王自隨所欲作所應作、勞資群臣、於妙五欲、歡娛遊戲、於諸大臣輔相國師群官等所、凡出教命宣布無礙。如是名王得大自在。云何名王性不暴惡、謂有國王、諸群臣等隨於何處、雖行增上不如意事、性能容忍、不現攘黜、不發麤言、亦不咆勃、廣說乃至不生憤發、亦不背面而作前事、亦不內意祕置忿懣、亦不長夜蓄怨、憤心相續不捨。不現暴惡、不背暴惡、不匿暴惡、不久暴惡。如是名王性不暴惡。云何名王憤發輕微、謂有國王、諸群臣等雖有大愆有大違越、而不一切削其封祿、奪其妻妾、不以重罰而刑罰之、隨過輕重、而行黜罰。如是名王憤發輕微。云何名王恩惠猛利、謂有國王、諸群臣等正直現前供奉侍衛、其心清淨、其心調順、於時時中以正圓滿、輕言慰諭、具足頒錫爵祿勳庸、而不令彼損耗稽留劬勞怨恨、易可供奉不難承事。如是名王恩惠猛利。云何名王受正直言、謂有國王、諸群臣等實有聰睿、無瞋瞋慢、無濁無偏善閑憲式、情無違叛樂修善法、聽受信用如是輩人所進言議、由此因緣、國務財寶名稱善法、皆悉增盛。如是名王受正直言。云何名王所作諦思善順儀則、謂有國王、性能究察能審究察、性能思擇能審思擇、諸群臣等、於彼彼務機密事中、不堪委任而不委任、堪委任者而委任之、不堪役者而不驅役、堪驅役者乃驅役之、應賞資

辰二善順儀則

卯三結寅八顧戀善法

寅九善知差別知所作恩三卯
一微卯二釋二辰一善知差別

辰二知所作恩

卯三結

寅十不自縱任不行放逸

丑二結攝二寅一結前

寅二略攝

壬三王衰損門二癸一微癸二
釋三子一略說三丑一標丑

二列

丑三結

子二廣釋五丑一不善觀察而
攝群臣三寅一微寅二釋二

者而正賞資應刑罰者而正刑罰。凡有所爲。審思審擇然後方作。而不卒暴。又於群臣能
善安處先王儀則。由此群臣雖處讌會。終不發言間絕餘論。要待言終。恭敬畏憚而興諫
諍。如其旨教而善奉行。能正安住王之教命。如是名王所作誦思善順儀則。云何名王顧
戀善法。謂有國王。信知他世。由信知故。便於當來淨不淨業。愛非愛果。能善信解。由信解
故。具足慚恥。而不縱情作身語意三種惡行。時時思擇布施修福受齋學戒。如是名王顧
戀善法。云何名王善知差別知所作恩。謂有國王。於諸大臣輔相國師及群官等。心無顧
倒。能善了知忠信技藝智慧差別。若諸群臣忠信技藝及與智慧若有若無。並如實知。於
其無者。輕而遠之。於其有者。敬而愛之。而正攝受。又諸臣等年耆衰邁。曾於長夜供奉侍
衛。雖知無勢無力無勇。然念昔恩轉懷敬愛而不輕賤。爵祿勳庸。分賞無替。如是名王善
知差別知所作恩。云何名王不自縱任不行放逸。謂有國王。於妙五欲。而不沈沒耽著嬉
戲愛樂受行。能於時時勸勵方便作所應作勞資群臣。如是名王不自縱任不行放逸。若
王成就。如是功德。雖無大府庫。無大輔佐。無大軍衆。而可歸仰。大王當知如是十種王之
功德。初一名爲種姓功德。餘九名爲自性功德。云何名爲王衰損門。大王當知王衰損門。
略有五種。一不善觀察而攝群臣。二雖善觀察而攝群臣。無恩妙行。縱有非時。三專行放
逸。不思機務。四專行放逸。不守府庫。五專行放逸。不修法行。如是五種。皆悉名爲王衰損
門。云何名王不善觀察而攝群臣。謂有國王。於群臣等。不能究察不審究察。不能思擇不
審思擇。忠信技藝智慧差別。攝爲親侍。加以寵愛。厚賜爵祿。重賞勳庸。最機密處而相委

卯一明彼攝卯二成衰損

寅三結

丑二無恩妙行縱有非時三寅

一徵寅二釋二卯一明彼攝

二辰一無恩妙行

辰二縱有非時

卯二成衰損

寅三結丑三專行放逸不思機

務三寅一徵寅二釋二卯一

舉於應和好方便

卯二例於乖絕方便等

寅三結

丑四專行放逸不守府庫

丑五專行放逸不修法行三寅

一徵寅二釋二卯一不能請

問

任數以稟言現為慰諭然此群臣所付財寶多有損費若遇怨敵惡友軍陣彼先退敗恐
懼破散為他所勝遲留人後奔北無戀矯行惡策動虧王政如是名王不善觀察而攝群
臣云何名王雖善觀察而攝群臣無恩妙行縱有非時寅三寅一謂有國王雖於群臣性能究察能
審究察性能思擇能審思擇忠信技藝智慧差別攝為親侍而不寵愛不如其量具賜爵
祿最機密處亦不委任不數稟言現相慰諭彼於一時王遇怨敵惡友軍陣廣說乃至大
怖畏事命難現前爾時於臣方行寵愛廣說乃至數以稟言而相慰諭時群臣等共相謂
曰王於今者危迫因緣方於我等暫行妙行非長久心知此事已雖有忠信技藝智慧隱
而不現如是名王雖善觀察而攝群臣無恩妙行縱有非時寅三寅一云何名王專行放逸不思機
務寅三卯一謂有國王於應和好所作所成機務等事而不時時獨處空閑或與智者共正思惟稱
量觀察和好方便如是於應乖絕所作所成機務等事於應應施所作所成機務等事於
應軍陣所作所成機務等事於應攝受大力朋黨所作所成機務等事皆不時時獨處空
閑或與智者共正思惟稱量觀察乖絕方便乃至攝受朋黨方便如是名王專行放逸不
思機務云何名王專行放逸不守府庫謂有國王寡營事業拙營事業不持事業不觀事
業不禁王門不禁宮門不禁府庫或於俳優伎樂笑弄倡逸等所或復耽樂博奕戲等非
量損費所有財寶如是名王專行放逸不守府庫云何名王專行放逸不修法行寅三卯一謂有國
王於世所知柔和淳質聰慧辯才得理解脫巧便無害樂無害法所有沙門若婆羅門不
能數往禮敬諮詢云何為善云何不善云何有罪云何無罪作何善業能致吉祥遠離諸

卯二不能修行寅三結

子三結配二丑一結丑二配

王四王方便門二癸一徵癸二

釋五子一標子二徵子三列

子四釋五丑一能善觀察攝受

群臣

丑二能善以時行恩妙行

丑三無有放逸專思機務三寅

一徵寅二釋二卯一舉於和好方便

卯二例於乖絕方便等

寅三結丑四無有放逸善守府

庫

丑五無有放逸專修法行三寅

一徵寅二釋二卯一能請問

惡說得聞已亦不動勸如說修行不能時時惠施樹福受齋學戒如是名王專行放逸不
修法行。若有國王成就如是五衰損門當知此王退失現法後法義利謂前四門退現法
利最後一門退後法利云何名爲王方便門大王當知王方便門略有五種何等爲五一
善觀察攝受群臣二能以時行恩妙行三無放逸專施機務四無放逸善守府庫五無放
逸專修法行云何名王能善觀察攝受群臣謂有國王於群臣等性能究察能審究察性
能恩擇能審思擇忠信技藝智無差別攝爲親侍如是名王能善觀察攝受群臣云何名
王能善以時行恩妙行謂有國王於諸群臣善觀察已攝爲親侍加以寵愛隨其度量厚
賜爵祿重賞勳庸最機密處而相委任數以諛言現相慰喻彼於一時王遇怨敵惡友軍
陣大怖畏事命難現前即便罄竭顯示忠信技藝智無如是名王能善以時行恩妙行云
何名王無有放逸專思機務謂有國王於應和好所作所成機務等事能於時時獨處空
閑或與智者共正思惟稱量觀察和好方便如是於應乖絕所作所成機務等事於應惠
施所作所成機務等事於應軍陣所作所成機務等事於應攝受大力朋黨所作所成機
務等事皆能時時獨處空閑或與智者共正思惟稱量觀察乖絕方便乃至攝受強黨方
便如是名王無有放逸專思機務云何名王無有放逸善守府庫謂有國王廣營事業巧
營事業善持事業善觀事業善禁王門善禁宮門善禁府庫又於俳優伎樂笑弄倡逸等
所不以非量而費財寶亦不耽樂博奕戲等如是名王無有放逸善守府庫云何名王無
有放逸專修法行謂有國王於世所知柔和淳實聰慧辯才得理解脫巧便無害樂無害

卯二能修行

寅三結子五結配二寅一結寅

二配

壬五王可愛法二癸一徵癸二

釋四子一標子二徵子三列

子四結王六能引王可愛法二

癸一徵癸二釋五子一標子

二徵子三列

子四釋五丑一恩養世間二寅

一徵寅二釋二卯一舉正化

二辰一辨三巳一不貪財寶

巳二給施貧窮巳三曉諭賞罰

辰二結

卯二釋引果丑二英勇具足二

寅一徵寅二釋二卯一舉英

勇

法所有沙門、若婆羅門而能數往禮敬諮詢云何爲善、云何不善、何等有罪、何等無罪、作何等業、能致吉祥、遠離諸惡、既得聞已、善能勸勵如說修行、亦能時時惠施樹福受齋學戒、如是名王無有放逸專修德行、若有國王成就如是五方便門、當知此王不退現法後法、大義利、謂前四門不退現法所有義利、最後一門不退後法所有義利、云何名爲王可愛法、大王當知略有五種諸王可愛可樂可欣可意之法、何等爲五、一、世所敬愛、二、自在增上、三、能摧怨敵、四、善攝養身、五、能往善趣、如是五種、是王可愛可樂可欣可意之法、云何能引王可愛法、大王當知略有五種能引諸王可愛之法、何等爲五、一、恩養世間、二、英勇具足、三、善權方便、四、正受境界、五、勤修法行、云何名王恩養世間、謂有國王性本知足、於財寶門、爲性謹慎、不邪貪著、如其所應積集財寶、不廣營求、又有國王、性無貪吝、成就無貪白淨之法、以自所有庫藏珍財隨力隨能給施一切貧窮孤露、又有國王、柔和忍辱、多以饒言曉諭國界、於時時間隨其所應分賞爵祿、終不以彼非所能業惡業重業役任群臣、諸有違犯可矜恕罪、即便矜恕、諸有違犯不可恕罪、以實以時如理治罰、如是名王以正化法恩養世間、由王受行如是恩養世間法故、遂感世間之所敬愛、云何名王英勇具足、謂有國王、計策無情、武略剴滿、朱降伏者而降伏之、已降伏者而攝護之、廣營事業、如前乃至不甚耽樂博弈戲等。

廣營事業如前等者、前說寡營事業、拙營事業、不持事業、不觀事業、不禁王門、不禁官門、不禁府庫、或於俳優伎樂笑弄倡逸等所、或復耽樂博弈戲等、非量損費所有財寶、

今此翻彼應知

卯二釋引果丑三善權方便二寅一徵寅二釋二卯一舉方便

卯二釋引果

丑四正受境界二寅一徵寅二釋二卯一舉受用二辰一辨二巳一列種種

巳二釋無愆

辰二結卯二釋引果

丑五勤修法行二寅一徵寅二釋二卯一舉法行三辰一標

辰二釋五巳一具足淨信二具足淨戒

巳三具足淨聞

巳四具足淨捨

巳五具足淨慧

又善觀察應與不應與，動於憐庶，應刑罰者，正刑罰之，應攝養者，正攝養之。如是名王英勇具足。由王受行如是英勇具足法故，遂能感得自在增上。云何名王善權方便，謂有國王於應和好事所作成機務等事，如前乃至於應攝受大力，應所成機務等事，能正了知和好方便，乃至攝受強黨方便。如是名王善權方便，由王受行如是善權方便法故，遂能摧伏所有怨敵。云何名王正受境界，謂有國王善能籌量府庫增減，不奢不吝，平等自處，清正受用，眾難受用，勝妙受用，隨其時候所宜受用，與諸臣佐親屬受用，在於勝處而為受用，奏諸伎樂而為受用，無有愆失而為受用，無愆失者，謂疾惱時，應食所宜，避所不宜，於康豫時，消已方食，若食未消，或食而利，皆不應食，應共食者，正現在前，不應獨食，精妙上味，詭擯餘人。如是名王正受境界，由王受行如是正受境界法故，遂能善巧攝養自身。云何名王勤修法行，謂有國王具足淨信，戒聞捨慧。云何名王具足淨信，謂有國王信解他世，信解當來淨不淨業，及愛非愛果與異熟。如是名王具足淨信。云何名王具足淨戒，謂有國王遠離殺生及不與取，淫欲邪行，妄語，飲酒，諸放逸處。如是名王具足淨戒。云何名王具足淨聞，謂有國王於現法義及於後法義等義，眾妙法門，善聽善受，習誦通利，專意研究，善見善達。如是名王具足淨聞。云何名王具足淨捨，謂有國王雖在慳垢所纏，眾中心恆清淨，遠離慳垢，而處居家，常行棄捨，舒手樂施，好與祠福，惠捨圓滿，於布施時，常樂平等。如是名王具足淨捨。云何名王具足淨慧，謂有國王如實了

辰三結卯二釋引果子五結配

二丑一結丑二配

辛三結勸三王一總勸修學

王二別勸所宜

王三明獲利樂

己二決擇諸苦諦相差別二庚

一別辨八苦七辛一生苦二

王一徵王二釋二癸一標列

癸二隨釋五子一衆苦所隨故

苦子二蠱重所隨故苦

子三衆苦所依故苦子四煩惱

所依故苦

子五不隨所欲離別法故苦

辛二老苦

知善不善法有罪無罪修與不修勝劣黑白於廣分別諸緣生法亦如實知縱令失念生惡貪欲瞋恚忿恨憂惱慳嫉幻誑詭曲無慚無愧惡欲惡見而心覺悟並不堅住如是名王具足淨慧如是名王勤修法行由王受行此法行故能往善趣如是五種能引發王可愛之法能引諸王現法後法所有利益謂初四種能引發王現法利益最後一種能引發王後法利益復次大王當知我已略說王之過失王之功德王衰損門王方便門王可愛法及能引發王可愛法是故大王應當修學王之過失宜當遠離王之功德宜當修習王衰損門宜當遠離王方便門宜當修學王可愛法宜當希慕能引發王可愛之法宜當受行大王若能如是修學當獲一切利益安樂

復次如說生苦乃至略說五取蘊苦云何生苦當知此苦由五種相謂衆苦所隨故蠱重所隨故衆苦所依故煩惱所依故不隨所欲離別法故云何衆苦所隨故苦謂生那落迦及一向苦餓鬼趣中若於胎生卵生生時種種憂苦之所隨逐故名衆苦所遂故苦云何蠱重所隨故苦謂三界諸行爲煩惱品蠱重所隨性不調柔不自在轉由此隨逐三界有情諸行生起故名蠱重所隨故苦云何衆苦所依故苦謂衰老等衆苦差別之所依故云何煩惱所依故苦謂受生已於愛境愛於瞋境瞋於癡境癡由是因緣住不寂靜惛蕩身心不安隱苦故名煩惱所依故苦云何不隨所欲離別法故苦謂諸有情生者皆死生必殞沒所有壽命死爲邊際死爲終極如是等事非其所愛由此因緣唯受衆苦是以不隨所欲離別法故說生爲苦云何老苦當知亦由五相謂於五處衰退故苦一盛色衰退故

二、氣力衰退故；三、諸根衰退故；四、受用境界衰退故；五、壽量衰退故。

謂於五處衰退故苦等者：此中五相如本地分說老差別隨應當知。（陵本十卷二頁

辛三病苦

辛四死苦

辛五怨憎會苦

云何病苦當知病苦亦由五相。一、身性變壞故；二、憂苦增長多住故；三、於可意境不喜受用故；四、於不可意境非其所欲強受用故；五、能令命根速離壞故。云何死苦當知此苦亦由五相。一、離別所愛盛財寶故；二、離別所愛盛朋友故；三、離別所愛盛眷屬故；四、離別所愛盛自身故；五、於命終時備受種種極重憂苦故。云何怨憎會苦當知此苦亦由五相。一、與彼會生憂苦故；二、治罰畏所依止故；三、惡名畏所依止故；四、苦逼迫命終怖畏所依止故；五、越正法惡趣怖畏所依止故。

越正法惡趣怖畏所依止故者：由怨憎惡，引發惡行，當墮惡趣，故說為彼怖畏之所依止。

辛六愛別離等苦 二 壬一舉愛別離

云何愛別離苦當知此苦亦由五相。謂不與彼會生熱惱故；由此因緣，生怨歎故；由此因緣，身擾惱故；念彼衆德思戀因緣，意熱惱故；應受用等，有所闕故。

應受用等有所闕故者：本地分說：或有所餘種類歡樂，謂互相受用，受用境界，受諸快樂，或由同處，或因戲論，歡娛而住，所行事者，謂相執持，手臂髮等，或相摩觸，隨一身分，或抱或鳴，或相顧眄，或作餘事。（陵本十一卷七頁）此中等言，等取彼彼差別，應知如愛別離苦，求不得苦，當知亦爾。云何五取蘊苦，當知此苦亦由五相。謂生苦歸故，依生

壬二例求不得辛七五取蘊苦

庚二廣取蘊苦二辛一出行苦
二壬一引經問壬二依義答
二癸一出體性二子一顯顯
重子二結取蘊

癸二辨受俱二子一自性顯了
不顯了別三丑一標相二寅
一顯了寅二不顯了

丑二引喻
丑三合法

子二煩惱隨增及生苦別二丑

苦器故；苦苦器故；壞苦器故；行苦性故。

依生苦器故者：老死等苦，依生故有，故五取蘊亦名依生苦器。

復次如佛世尊說三苦性，此中云何爲行苦性？謂後有業煩惱所生諸行，於彼彼自體中能隨順生一切煩惱及與衆苦所有安立一切偏行顯重所攝，亦名顯重，是行苦性。依此行苦，佛世尊說略五取蘊皆名爲苦。

於彼彼自體等者，本地分說：一切種子識，隨所生處自體之中，餘體種子皆悉隨逐，是故欲界自體中亦有色無色界一切種子。如是色界自體中，亦有欲無色界一切種子。無色界自體中，亦有欲色界一切種子。故本二卷一頁，由是當知，三界自體差別非一，故名彼彼。即於其中所有諸行性有漏故，能隨順生現在一切煩惱，及與當來生等衆苦，是故安立名顯重性。一切偏行顯重所攝，謂彼顯重偏行一切若樂受中若苦受中若不苦不樂受中故，即此建立爲行苦性。

又此行苦偏行一切若樂受中，若苦受中，若不苦不樂受中，然於不苦不樂受中此顯重性分明顯現，是故但說不苦不樂受，由行苦故苦。於樂受苦受中，愛著二法擾亂心故，此顯重苦，非易可了。譬如熱癰，若以冷觸封之，即生樂想，熱灰墮上，便生苦想，若二俱離，於此熱癰，爾時唯有離自性苦，分明顯現。如是於業煩惱所生諸行所有安立顯重所攝，猶如熱癰，行苦性中所有樂受，如冷觸封，所有苦受，如熱灰墮，所有不苦不樂受，如離二觸，自性苦又樂受中多生染著，是故說彼貪所隨增，於苦受中多生憎恚，是故說彼瞋所

一別辨相二寅一辨隨增三卯一貪所隨增卯二瞋所隨增卯三無明所隨增

寅二辨生苦三卯一依樂受二

辰一出苦因二已一生惡趣

已二生餘趣辰二結貪依

卯二依苦受二辰一出苦因

辰二結瞋依卯三依不苦不樂受

丑二結建立二寅一煩惱隨增

攝寅二生苦差別攝

隨增於非苦樂之所顯現。雖重所攝所有安立行自體中，於無常性計常顛倒，於衆苦性計樂顛倒，於不淨性計淨顛倒，於無我性計我顛倒，是故說彼不苦不樂受，無明所隨增。又諸愚夫於樂受中多生染著，由是因緣，於現法中行身惡行，行語惡行，行意惡行，身壞命終，廣說乃至生那落迦，又由後有愛故，能感當來生等衆苦。如是樂受貪所依故，能生當來五趣等苦。又於苦受多起瞋心，不隨所欲，觸衆苦事，便生種種愁惱怨歎，乃至迷亂，由此因緣，行三惡行，墮諸惡趣。如是苦受瞋所依故，能感現法後法衆苦。又於不苦不樂受中，多生如上顛倒之心，於二種苦，謂依樂受貪所生苦，及依苦受瞋所生苦，生不捨思，起不捨行。是故雖有衆多煩惱，及隨煩惱，然佛世尊，但立三種根本煩惱，謂貪瞋癡。依此密意，佛世尊說：應觀樂受，是衆苦法；應觀苦受，猶如毒箭；應觀不苦不樂受，性是無常有壞滅法。

應觀樂受是衆苦法等者，攝異門分說云：何當觀樂受爲苦？謂由此受貪所隨眠，由隨眠故，取當來苦，於現法中能生壞苦，如是當觀樂受爲苦。云何當觀苦受如箭？謂如毒箭，乃至現前常惱壞故。非苦樂受體是無常滅壞法者，謂已滅者，卽是無常，其未滅者，是滅壞法。若無常者，從此復生若樂若苦滅壞法者，終不解脫苦樂二種。（陵本八十

三卷十五頁）此應準釋。

若能如實觀無常性，漸次能斷一切顛倒。如是諸行，是第一義苦聖諦事。一切聖賢聖智，觀已，於第一有最極寂靜諸取蘊中，尚不願樂，何況弊下那落迦中。復次，卽此能生後有

辛二明諦攝二王一別辨四諦
二癸一四諦現觀四子一苦

聖諦一丑一標丑二釋子二
集聖諦二丑一舉一切丑二
顯最勝

子三滅聖諦二丑一有餘依丑
二無餘依子四道聖諦

癸二諦建立二子一顯略
子二指廣壬二施設苦諦

己三決擇補特伽羅差別二庚
一三士建立諸門差別十辛
一約自他利行辨二壬一標
壬二配辛二約行惡樂惡辨四
壬一標壬二列壬三釋四癸
一行惡非樂惡癸二樂惡非
行惡

癸三行惡亦樂惡
癸四非行惡非樂惡壬四配

辛三約所重差別辨三壬一標
壬二列壬三配辛四約所事差

諸行業及煩惱由相道理是樂聖諦世尊經中據勝道理唯顯示愛

由相道理者謂廣建立業及煩惱相故

復次此煩惱品羅重永滅是有餘依涅槃增上所立滅諦又因永斷未來不生及先世因
受用盡已現在諸行任運謝滅是無餘依涅槃增上所立滅諦復次若能證解第一義諦
所有正見及正見爲先一切聖道是名道諦復次欲令於苦偏知於集永斷於滅作證於
道修習故略建立諸聖諦相若廣建立當知其相無量無邊又令了知苦諦麤相以爲依
止漸能趣入諦微細相故先施設生等衆苦後方顯示五取蘊苦

復次依行差別建立三士謂下中上無自利行無利他行名爲下士有自利行無利他行
有利他行無自利行名爲中士有自利行有利他行名爲上士復有四種補特伽羅或有
行惡而非樂惡或有樂惡而非行惡或有行惡亦復樂惡或非行惡亦非樂惡若信諸惡
能感當來非愛果報由失念故或放逸故近惡友故造作惡行是名行惡而非樂惡若先
世來串習惡故喜樂諸惡惡欲所牽彼由親近善丈夫故聞正法故如理作意爲依止故
見諸惡行能感當來非愛果報自勉自勵遠離諸惡是名樂惡而非行惡若性樂惡而不
遠離是名行惡亦復樂惡若有爲性不樂諸惡亦能遠離名非行惡亦非樂惡此中行惡
亦樂惡者是名下士若有行惡而非樂惡或有樂惡而非行惡是名中士若非行惡亦非
樂惡是名上士復有三士一重愛欲二重事務三重正法初名下士次名中士後名上士
又有三種補特伽羅一以非事爲自事二以自事爲自事三以他事爲自事若行惡行以

別辨四壬一標壬二列壬三

釋壬四配辛五約國王圓滿辨三

壬一標列壬二隨釋二癸一

別辨相三子一果報圓滿子

二士用圓滿子三功德圓滿

癸二顯受果三子一果報圓滿

子二士用圓滿

子三功德圓滿壬三別配

辛六約諸臣差別辨二壬一標

列壬二別配辛七約諸語差

別辨三壬一標列壬二隨釋

四癸一初語

癸二第二語癸三第三語癸四

第四語壬三別配

辛八約受用諸欲辨三壬一標

壬二列三癸一第一一人

癸二第二一人

癸三第三一人

自存活名以非事爲自事若怖惡行修行善行名以自事爲自事若諸菩薩名以他事爲
自事初名下士次名中士後名上士又諸國王有三圓滿謂果報圓滿士用圓滿功德圓
滿若諸國王生富貴家長壽少病有大宗業成就俱生順利之慧是王名爲果報圓滿若
諸國王善權方便所攝持故隨常成就圓滿英勇是王名爲士用圓滿若諸國王任持正
法名爲法王安住正法名爲大王與內宮王子群臣英傑豪貴國人共修惠施樹福受齋
堅持禁戒是王名爲功德圓滿果報圓滿者受用先世淨業果報士用圓滿者受用現法
可愛之果功德圓滿者亦於當來受用圓滿淨業果報若有國王三種圓滿皆不具足名
爲下士若有果報圓滿或士用圓滿或俱圓滿名爲中士若三種圓滿不具足名爲上士
復有三臣一有忠信無技能智慧二有忠信技能無智慧三具忠信技能智慧初名下士
次名中士後名上士若不忠信無有技能亦無智慧當知此臣下中之下又有四語一非
愛似愛二愛似非愛三非愛似非愛四愛似愛諸有語言辭句善順然非所宜是名初語
或有語言辭句勃逆然是所宜是第二語或有語言辭句勃逆亦非所宜是第三語或有
語言辭句善順亦是所宜是第四語若有宣說非愛似非愛非愛似愛語者是下士若有
宣說愛似非愛語者是中士若有宣說愛似愛語者是上士復有三種受諸欲者或有受
欲非法孟浪積集財寶不能安樂正養己身及與妻子廣說乃至不於沙門婆羅門所修
殖福田或有受欲法或非法孟浪或非積集財寶能以安樂正養己身妻子眷屬及知友
等不於沙門婆羅門所修殖福田或有受欲一向以法及不孟浪積集財寶能以安樂正